

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) nr. 590/2011**

2017/EES/24/14

frá 20. júní 2011

um breytingu á reglugerð (EB) nr. 1235/2008 um ítarlegar reglur um framkvæmd reglugerðar ráðsins (EB) nr. 834/2007 að því er varðar fyrirkomulag á innflutningi lífrænna afurða frá þriðju löndum (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópu-sambandsins,

með hliðsjón af reglugerð ráðsins (EB) nr. 834/2007 frá 28. júní 2007 um lífræna framleiðslu og merkingu lífrænna vara og niðurfellingu reglugerðar (EBE) nr. 2092/91 ⁽¹⁾, einkum 2. mgr. 33. gr. og d-lið 38. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (EB) nr. 1235/2008 ⁽²⁾ er settur fram tiltölulega stuttur frestur fyrir eftirlitsaðila og eftirlitsyfirvöld til að senda inn umsóknir sínar um viðurkenningu að því er varðar samræmi skv. 32. gr. reglugerðar (EB) nr. 834/2007. Þar sem engin reynsla af beinni beitingu á reglum Sambandsins um lífræna framleiðslu og merkingu lífrænna vara utan yfirráðasvæðis þess er fyrir hendi skal veita eftirlitsaðilum og eftirlitsyfirvöldum, sem óska eftir að vera færð á skrána yfir samræmi, lengri frest.
- 2) Í samræmi við 2. mgr. 33. gr. reglugerðar (EB) nr. 834/2007 hefur verið tekin saman skrá í III. viðauka við reglugerð (EB) nr. 1235/2008 yfir þau þriðju lönd sem hafa framleiðsluferfi og eftirlitsráðstafanir fyrir lífræna framleiðslu á landbúnaðarafurðum sem viðurkennd eru sem jafngild því sem mælt er fyrir um í reglugerð (EB) nr. 834/2007. Í ljósi nýrra umsókna og upplýsinga, sem framkvæmdastjórninni hafa borist frá þriðju löndum síðan skráin var síðast birt, skal íhuga að gera á henni tilteknar breytingar og aðlaga hana í samræmi við það.
- 3) Tilteknar landbúnaðarafurðir, sem fluttar eru inn frá Kanada, eru nú á markaði í Sambandinu samkvæmt umbreytingarreglunum sem kveðið er á um í 19. gr. reglugerðar (EB) nr. 1235/2008. Kanada lagði fram beiðni fyrir framkvæmdastjórnina um að vera fært á skrána sem kveðið er á um í III. viðauka við þá reglugerð. Kanada lagði fram þær upplýsingar sem krafist er skv. 7. og 8. gr. þeirrar reglugerðar. Athugun á þessum upplýsingum og viðræður við yfirvöld í Kanada, sem

fylgdu í kjölfarið, leiddu til þeirrar niðurstöðu að í landinu væru reglur um framleiðslu og eftirlit með landbúnaðarafurðum jafngildar þeim sem mælt er fyrir um í reglugerð (EB) nr. 834/2007. Framkvæmdastjórnin hefur látið fara fram vettvangseftirlit, sem kveðið er á um í 2. mgr. 33. gr. reglugerðar (EB) nr. 834/2007, með því að framleiðslureglum og eftirlitsráðstöfunum sé beitt í reynd í Kanada.

- 4) Yfirvöld í Kostaríku, á Indlandi, í Ísrael, Japan og Túnis hafa beiðið framkvæmdastjórnina um að færa nýju eftirlits- og vottunaraðilana á skrána og hafa látið framkvæmdastjórninni í té nauðsynlegar ábyrgðir fyrir því að þeir uppfylli skilyrðin sem mælt er fyrir um í 2. mgr. 8. gr. reglugerðar (EB) nr. 1235/2008.
- 5) Gildistími skráningar Kostaríku og Nýja-Sjálands í skránni, sem kveðið er á um í III. viðauka við reglugerð (EB) nr. 1235/2008, rennur út 30. júní 2011. Til að komast hjá röskun í viðskiptum þarf að framlengja skráningu Kostaríku og Nýja-Sjálands. Í ljósi fenginnar reynslu skal framlengja skráninguna í ótakmarkaðan tíma.
- 6) Í kjölfar nýlegrar sameiningar ráðuneytis landbúnaðar og skógarnytja og Matvælaöryggisstofnunar Nýja-Sjálands sendi Nýja-Sjáland inn ritstjórnarlegar breytingar á viðkomandi forskriftum sem gefnar eru í III. viðauka við reglugerð (EB) nr. 1235/2008.
- 7) Því ber að breyta reglugerð (EB) nr. 1235/2008 til samræmis við það.
- 8) Ráðstafanirnar, sem kveðið er á um í þessari reglugerð, eru í samræmi við álit stjórnáslunefndarinnar um lífræna framleiðslu.

SAMÞYKKT REGLUGERÐ ÞESSA:

I. gr.

Reglugerð (EB) nr. 1235/2008 er breytt sem hér segir:

- 1) Í 4. gr. komi „31. október 2014“ í stað „31. október 2011“.
- 2) Ákvæðum III. viðauka er breytt í samræmi við viðaukann við þessa reglugerð.

(*) Þessi ESB-gerð birtist í Stjtið. ESB L 161, 21.6.2011, bls. 9. Hennar var getið í ákvörðun sameiginlegu EES-nefndarinnar nr. 49/2017 frá 17. mars 2017 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 189, 20.7.2007, bls. 1.

⁽²⁾ Stjtið. ESB L 334, 12.12.2008, bls. 25.

2. gr.

Reglugerð þessi öðlast gildi á sjöunda degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 20. júní 2011.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

Ákvæðum III. viðauka við reglugerð (EB) nr. 1235/2008 er breytt sem hér segir:

1) Á eftir textanum, sem varðar Ástralíu, er eftirfarandi texta bætt við:

„KANADA

1. **Vöruflokkar:**

- a) lifandi eða óunnar landbúnaðarafurðir, plöntufjölgunarefni og fræ til ræktunar,
- b) unnar landbúnaðarafurðir sem nota á sem matvæli,
- c) fóður.

2. **Uppruni:** afurðir í flokki 1 a og lífrænt ræktuð innihaldsefni í afurðum í flokki 1 b sem hafa verið ræktuð í Kanada.

3. **Framleiðslustaðlar:** Reglugerð um lífrænar vörur.

4. **Lögbær yfirvöld:** Canadian Food Inspection Agency (CFIA), www.inspection.gc.ca

5. **Eftirlitsaðilar:**

- Atlantic Certified Organic Cooperative Limited (ACO), www.atlanticcertifiedorganic.ca
- British Columbia Association for Regenerative Agriculture (BCARA), www.certifiedorganic.bc.ca
- Certification Services Limited Liability Company (CCOF), www.ccof.org
- Centre for Systems Integration (CSI), www.csi-ics.com
- Consorzio per il Controllo dei Prodotti Biologici Società a responsabilità limitata (CCPB SRL), www.ccpb.it
- Control Union Certifications (CUC), www.controlunion.com
- Ecocert Canada, www.ecocertcanada.com
- Fraser Valley Organic Producers Association (FVOPA), www.fvopa.ca
- Global Organic Alliance, www.goa-online.org
- International Certification Services Incorporated (ICS), www.ics-intl.com
- LETIS SA, www.letis.com.ar
- Oregon Tilth Incorporated (OTCO), <http://tilth.org>
- Organic Certifiers, www.organiccertifiers.com
- Organic Crop Improvement Association (OCIA), www.ocia.org/
- Organic Producers Association of Manitoba Cooperative Incorporated (OPAM), www.opam-mb.com
- Pacific Agricultural Certification Society (PACS), www.pacscertifiedorganic.ca
- Pro-Cert Organic Systems Ltd (Pro-Cert), www.ocpro.ca/
- Quality Assurance International Incorporated (QAI), www.qai-inc.com
- Quality Certification Services (QCS), www.qcsinfo.org
- Organisme de Certification Québec Vrai (OCQV), www.quebecvrai.org
- SAI Global Certification Services Limited, www.saiglobal.com

6. **Aðilar sem gefa út vottorð:** sjá 5. lið.

7. **Gildistími skráningar:** 30. júní 2014.“

2) Í textanum, sem varðar Kostaríku, er eftirfarandi undirlið bætt við í 5. lið:

„— Mayacert, www.mayacert.com“

3) Í textanum, sem varðar Kostaríku, komi eftirfarandi í stað 7. liðar:

„7. **Gildistími skráningar:** ótilgreindur.“

- 4) Í textanum, sem varðar Indland, er eftirfarandi undirliðum bætt við í 5. lið:
- „— Chhattisgarh Certification Society (CGCERT), www.cgcert.com
 - Tamil Nadu Organic Certification Department (TNOCD), www.tnocd.net
 - TUV India Pvt. Ltd, www.tuvindia.co.in/0_mngmt_sys_cert/orgcert.htm
 - Intertek India Pvt. Ltd, www.intertek.com“
- 5) Í textanum, sem varðar Ísrael, er eftirfarandi undirlið bætt við í 5. lið:
- „— LAB-PATH Ltd, www.lab-path.co.il“
- 6) Í textanum, sem varðar Japan, er eftirfarandi undirliðum bætt við í 5. lið:
- „— AINO, www.ainou.or.jp/ainohtm/disclosure/nintei-kouhyou.htm
 - SGS Japan Incorporation, www.jp.sgs.com/ja/home_jp_v2.htm
 - Ehime Organic Agricultural Association, www12.ocn.ne.jp/~aiyuken/ninntei20110201.html
 - Center for Eco-design Certification Co. Ltd, <http://www.eco-de.co.jp/list.html>
 - Organic Certification Association, www.yuukinin.jimdo.com
 - Japan Eco-system Farming Association, www.npo-jefa.com
 - Hiroshima Environment and Health Association, www.kanhokyo.or.jp/jigyo/jigyo_05A.html
 - Assistant Center of Certification and Inspection for Sustainability, www.accis.jp
 - Organic Certification Organization Co. Ltd, www.oco45.net“
- 7) Í textanum, sem varðar Túnis, er eftirfarandi undirlið bætt við í 5. lið:
- „— Institut per la certificazione etica e ambientale (ICEA), www.icea.info“
- 8) Í textanum, sem varðar Nýja-Sjáland, kemur „MAF Official Organic Assurance Programme Technical Rules for Organic Production“ í stað „MAF Food Official Organic Assurance Programme“ í 2. lið.
- 9) Í textanum, sem varðar Nýja-Sjáland, komi eftirfarandi í stað 3. til 7. liðar:
- „3. **Framleiðslustaðlar:** MAF Official Organic Assurance Programme Technical Rules for Organic Production.
 4. **Lögbært yfirvald:** Ministry of Agriculture and Forestry (MAF), <http://www.foodsafety.govt.nz/industry/sectors/organics/>
 5. **Eftirlitsaðilar:**
 - AsureQuality Limited, www.organiccertification.co.nz
 - BioGro New Zealand, www.biogro.co.nz
 6. **Yfirvald sem gefur út vottorð:** Ministry of Agriculture and Forestry (MAF)
 7. **Gildistími skráningar:** ótilgreindur“.
-